

Paulo Filipokãharãre ohâka pũri niî'

A'ti pũri a'tiro weéro ohâ no'opã niisé niî'

Paulo Filipino wamêtiri maka Macedônia di'tapi niiri makakãharãre ohâki niîwĩ.

Too dipóropire tii makápita Jesu Cristo yee kitire werê, kîîre êho peóri kurakãharã sãhakã weéki niîwĩ. Romapi bu'iri da'reri wi'ipi niigi, ohâki niîwĩ.

Tii makakãharã Jesu Cristore êho peórã kîîre niyéru wee tamú'kere wákũgi, naãre “Áyú!” niiki niîwĩ. Naã teé niyéru Paulore Romapi niigire Epafrodito me'ra o'ôo'kãrã niîwã. Kîî papëra miári masi niiki niîwĩ. Be'ró Paulo tiropi dutifã wa'ãki niîwĩ. Tohó wa'akã, Paulo kîîre ko'tê, be'ró Filipopi o'ôo' tóroki niîwĩ taha.

Paulo tii makakãharãre ohãgi, neê kã'ró mehêkã uúkũ ma'atiki niîwĩ. E'katísere, naã áyuró êho peóse pe'ere uúkũ yi'ri ni'kaki niîwĩ. “Mehó niirã niî' niisére wákũya”, niiki niîwĩ. Tohó niikã Jesu Cristore êho peórã keoró weeyã niisére ohãki niîwĩ.

Paulo Jesu Cristore êho peóri kurakãharãre ohã'ke niî'

1 Yi'í Paulo, tohó niikã Timóteo Jesu Cristore da'rá ko'terã niî'. Ísã misã niî pe'tirãre Jesu Cristore êho peórã Filipopi niirãre ohã. Tohó niikã Jesu Cristore êho peóri kurakãharã si'orí wehê peorã kê'rare ohã. Naãre wee tamú ko'terã kê'rare ohã.

² Ô'ãkĩ hi marĩ paki, Jesu Cristo marĩ wiôgi misãre áyuró weeáto. Misãre áyuró ehêri pō'ratikã weeáto.

Jesu Cristore êho peórãre Paulo sêri basãse niî'

³ Yi'í misãre wãkusétiri niki yi'í wiôgi Ô'ãkĩ hire “Áyú!” niî'. Misã áyuró wee yuúkã tohó weé. ⁴⁻⁵ Neê waropi misã Jesu Cristo yee kitire ti'órã, yi'íre wee tamú ni'kawi. A'tóka tero kê'rare tohóta weé nu'ku'. Tohó weégi misã niî pe'tirã yee niíatehere Ô'ãkĩ hire e'katíse me'ra sêri basã nu'ku'.

⁶ Ô'ãkĩ hi misãre áyuró weesere yi'í masĩ yi'rikahã pu'tikã. Ô'ãkĩ hi misãre áyuró dika yuú ni'kaki niîwĩ. A'tóka tero kê'rare dika yuúgi weemĩ. Teé Jesu Cristo a'tiri kurapi tohó dika yuú yapatígisami. ⁷ Yi'í a'tiro wákũ: “Ô'ãkĩ hi naãre tohó dika yuú nu'kugisami”, niî'. Yi'í tohó wãkusé áyú niî'. Misãre ma'ígi, tohó bisĩ'. A'tiro niî'. Ni'kãroakãre yi'í bu'iri da'reri

wi'ipi niiká, misâ yi'íre bu'í peha tamu'. Wiôrãre “Jesu Cristo masaré yi'riómi niisé kiti diakí hí níí” níí wereká kē'rare, bu'í peha tamu'. Tohò weerá Ô'ákí hí yi'íre wee tamúsere misá kē'ra bu'í peha tamu'. ⁸ Ô'ákí hí yi'í misâre ipítí ma'isère masími. Yi'í misâre ma'ígi, Jesu Cristo kíí pahá yā'ase me'ra ma'í. ⁹ Misâre “Nemoró a'mêri ma'i nemoáto”, níí sêri basá'. “Níí pe'tisere áyuró masísé me'ra tí'o kasá ní'ko pe'oato”, níí. ¹⁰ Tohò weerá misá “A'tíro weeró iá’”, níí masirása'. Yā'áro weesère moorása'. Jesu Cristo a'tiká, bu'íri marirá boka ehá no'orása'. Áyusé di'akí weerá boka ehá no'orása'. ¹¹ Jesu Cristota misâre níí pe'tisere áyuró weeká weegísami. Misá tohò weeká í'yârã, masá Ô'ákí hire a'tíro wākúrãsama. “Áyú yi'riami, áyusé weemí”, níírãsama.

Jesu Cristo níí pe'tise yi'rióro níí yi'ri ní'kami niisé níí

¹² Yi'í bu'íri da'reri wi'ipi níimiká, Jesu Cristo masaré yi'riómi niisé kiti nemoró se'sáa wa'ása!. Akawerérã, misâre teeré masaká iá'. ¹³ Yi'í bu'íri da'reri wi'ipi níigi, surárare Jesu Cristo masaré yi'riómi niisére weré'. Tohò weerá níí pe'tirá surára, wiôgi yaa wi'ipi ko'terá a'tíro níima: “Kíí Jesu Cristore siru tuúse wapa, bu'íri da'reri wi'ipi níimi”, níima. Ápêrã kē'ra masí pe'tiká'ma. ¹⁴ Yi'í bu'íri da'reri wi'ipi níí yuuká, páharã marí akawerérã wākú tutuama. Teé bu'iri naã marí wiôgire êho peó nemorã, uiró mariró Ô'ákí hí yee kitire werêma.

¹⁵⁻¹⁷ Ápêrã pe'e yi'íre iórã, Jesu Cristo yeere werêma. Naã bu'esé pe'ere siru tuú dutirá tohò weemá. Naã, naa yeékãhasere wākúrã weemá. Keoró wākútimirá, Jesu Cristo yeere werêma. Yi'í bu'íri da'reri wi'ipi niiká, kííre bihá wetise doké pehaato níírá tohò weemá.

Ápêrã pe'e Jesu Cristo yee kitire áyuró weé sí'rise me'ra werêma. Yi'íre ma'írá, tohò weemá. Naã a'tíro masíma. “Kíí Jesu Cristo yee kitire keoró uúkúse bu'iri kíí bu'íri da'reri wi'ipi níimi”, níima. ¹⁸ Ápêrã yi'íre yā'áro weé sí'riká, áyurósa!. No'ó yi'íre ma'írá, ma'ítírá, Jesu Cristo yeere werêrã weemá. Naã tohò weesère tí'ógi, e'katí!. Tohò e'katí nu'kugisa!. ¹⁹ A'tíro níí!. Misá sêrisé me'ra, tohò niiká Espírito Santo Jesu Cristo o'd'ki yi'íre wee tamúse me'ra níí pe'tise yi'íre wa'asé áyuró yapatírosa!. A'teré masí!. ²⁰ Yi'í Jesu Cristo yeere werétigi, bopôya boosa!. A'tíro pe'e iása!. Uiró mariró wākú tutuase me'ra kíí yeere weré nu'ku sí'risa!. Ní'kãroaká kē'rare yi'í weé nu'kuro nohota weé sí'risa!. Tohò weégi yi'í bu'íri da'reri wi'ipi níí'ki wihaká, ou yi'íre wēheká, a'tíro wa'aká iása!. Níí pe'tise yi'í weesé me'ra Jesu Cristore masá nemoró masaká iása!. Kíí áyú butia'sere siápe me'ra masí nemoká iása!. ²¹ Níí pe'tíro yi'í katiró pōo tēoro Jesu Cristo iaró weé sí'risa!. Yi'í pe'e maa kíí ápêrã, apêye noho yi'rióro níí yi'ri ní'kami. Yi'í wérígi, kíí me'ra níigisa!. Kíí me'ra niiká, áyú yi'ria!. ²² Yi'í katígi, marí wiôgi yeekãhasere da'ra masí!. Tohò weégi yi'í wèriká, ou katiká, áyú níí boosari níí masítisa!. ²³ A'té piáro beseká, diása níí!. Wérígi, Jesu Cristo me'ra níí boosa!. Tohò weégi “Wèriká, áyú boósa”, níí tí'ó yā'a!. ²⁴ “Yi'í katígi pe'e, misâre nemoró wee tamú boosa”, níí tí'ó yā'asa!. ²⁵ Tohò weégi yi'í masí!, misâ me'ra níí ní'igiti yuhûpi. Misâre nemoró wee tamúgiti níigi, tohò weegíti. Tohò niiká misá êho peóse me'ra nemoró e'katiáto níigi tohò weegíti. ²⁶ Tohò weerá opáturi yi'í misá tiropi niiká, Jesu Cristo yi'íre ko'tesé wapa, nemoró kííre “Áyú yi'riami” níírása!.

²⁷ Níí pe'tise misá weesétisere Jesu Cristo yee kiti níiro nohota weeyá. Misá tohò weeká, misá tiro níigi, ou yoarópi níigi, misá áyuró weesère

ti'ogítí. Misâre ni'kâro noho âyuró êho peó nu'kukâ iása! Tohó niiká wâkú tutuase me'ra ni'kâro noho Jesu Cristo yee kitire weré turiakâ iása! ²⁸Jesu Cristo yee kitire iatirá misâre yâ'âro weeká, uítikâ'ya. Tohó weerá naâ pekâ me'lepi wa'aátehere masîrásama. Misâ pe'e kê'ra uítirâ, misâre yi'rió no'oatehere î'yorása! Ô'âkî hita misâre yi'rió, uiró mariró niisétikâ weemí. ²⁹Ô'âkî hi misâre ma'ígi, Cristore êho peó dutiwí. Jesu Cristore êho peó'ke bu'iri misâre yâ'âro weerásama. Teé kê'rare Ô'âkî hi kúúwí. ³⁰Jesu Cristore êho peóse bu'iri marî ni'kâro noho pi'etí! Too dipóropi misa yaá makapi yi'íre târá, bu'iri da'rerí wi'ipi kúukâ î'yâwi. Ni'kâroakâ kê'rare meharóta yi'íre ya'âro weesére ti'ósa!

Jesu Cristo weé'karo noho wee dutise ni'

2 ¹⁻²Jesu Cristo misâre wâkú tutua e'katikâ weemí. Kîî misâre ma'ígi, wee tamúmi. Espírito Santo misâ me'ra níimi. Tohó weerá misâ ma'isê, pahá yâ'asere kiórâ, a'tîro weeyá. Âyuró ni'kâro me'ra niisétiya. Ni'kâro noho a'mêri ma'iyá. Espírito Santo me'ra ni'kârota wâkusétirâ níiya. Tohó weesé me'ra yi'íre e'katí nemokâ weerása! ³Misa yeé di'akîre ia saátikâ'ya. “Âpêrá yi'rióro nií”, níitikâ'ya. Âpêrá pe'ere “Âyú yi'ri ni'kama”, nií ti'ó yâ'aya. ⁴Misa yeékâhase di'akîre “Âyuró wa'aáto”, nií wâkútikâ'ya. Âpêrá yee kê'rare “Âyuró wa'aáto”, nií wâkúya.

⁵Misâ Jesu Cristo wâkuséti'karo nohota wâkusétiya. Kîî “Âpêrá yi'rióro âyugí nií”, níitiki níiwí. ⁶Kîî Ô'âkî hi niisétisere kiómigi, “Yíí a'ti nukúkâpi a'tígi, Ô'âkî hi weeró noho niisére neê du'usomé”, níitiki níiwí. ⁷A'tîro pe'e weéki níiwí. Kîî iaró me'ra kîî wiôgi niisére du'úki níiwí. Du'ú, a'ti nukúkâpi a'tígi, âpiré da'râ ko'tegi weeró noho wa'âki níiwí. A'ti ípi me'ra bahuáki níiwí. ⁸Tohó weégi masí weeró noho bahúgi, mehó niigí wa'âki níiwí. Masá “Kîîre kurúsapi paâ bi'peya” niiká, kîî pakiré yi'tígi, yi'rí ni'katiki níiwí. Kîî kurúsapi yâ'âro wêrimigi, kîî pakiré yi'rí ni'katiki níiwí. ⁹Tohó weégi Ô'âkî hi kîîre nií pe'tirá bu'ipi sôróoki níiwí. Kîî wameré âpêrá wame yi'rióro âyuró wâkú dutigi tohó weéki níiwí. ¹⁰Tohó weerá nií pe'tirá í'mîsepi niirá, a'ti nukúkâpi niirá, wêri'kârâ Jesu wameré ti'órâ, ehâ ke'a pe'tirásama. ¹¹Nií pe'tirá “Jesu Cristo marî wiôgi níimi”, níirásama. Naâ Ô'âkî hire, “Âyú yi'riami”, níirásama.

Jesu Cristore êho peórâ yâ'âro weeráre âyusé weesétise î'yorá sama niisê ni'

¹²Akawerérâ, yi'í misâre ma'í! Too dipóropi yi'í misâ me'ra níika terore yi'í dutí'kere yi'tiwí. Ni'kâroakâre yi'í yoarópi nií! Tâhása' maha. Tootá nemoró yi'tiyá. Ô'âkî hi misâre yi'rióki níiwí. Teeré wio pesáse me'ra wâkúya. Teeré wâkúrá, “Âpêrá yi'rióro nií”, niiró mariró niisétiya. Âyuró nií yapatíya. Yâ'âro weerí níirâ, tohó weeyá. ¹³A'tîro nií! Misâre Ô'âkî hi âyuró weé sî'rikâ weesamí. Kîî iaró noho misâre âyuró tu'â eha ni'kokâ weesamí.

¹⁴No'ó nií pe'tisere weerá ti'sâtimirâ, úru sâáse me'ra weetíkâ'ya.

¹⁵Tohó weerá Ô'âkî hi pō'ra yâ'asé marirá, bu'iri moorá níirása! Misâ a'ti nukúkâkâharâ nií soorâ yâ'âro weesétirâ wa'teropi nií! Misâ âyuró weerá, naâre âyuró, keoró weesére î'yorása! ¹⁶Âyusé katisé pe'titise kitire werêrasa! Misâ âyuró weesé me'ra yi'í misâ tiropi bu'ê siha'kere a'tîro níigiti. Jesu Cristo opâhuri a'tiká, yi'í mehó waro naâre bu'êtipâ níigi, e'katígiti. ¹⁷Masá misâre yâ'âro weemikâ, misâ Jesu Cristore êho peó nu'ku! Misâ êho peóse Ô'âkî hire âyusé o'osé weeró noho nií! Yi'í Jesu

Cristo yeere weresé wapa yi'f re wēheká, Ô'ákí hire āyusé o'ò nemoro weeró noho niírosa'. Tohó wa'aká, yi'f e'katigisa'. Misá kē'rare e'katiká weegísa'. ¹⁸ Misá yi'f re e'katí tamurása'.

Timóteo, Epafrodito yeekāhase nií'

¹⁹ Marí wiógi Jesu iaká, maatá Timóteore misá tiropi o'òo'giti. Misa yeé kitire ti'ógi, e'katigiti niígi, tohó weegíti. ²⁰ Timóteo di'akí yi'f weeró noho wākūmi. Kīf yi'f weeró noho misāre āyuró wa'aká iági, ipíti wākū ke'timi. ²¹ Āpērā naa yeé di'akíre āyuró wa'aká ia sāsama. Jesu Cristo yee pe'ere tohó wākūtisama. ²² Misá pūriká Timóteo keoró weesére masí tohasa'. Kīf yi'f me'ra ni'kí kīf pakí me'ra da'ragí weeró noho Jesu Cristo yee kitire weré tamugi weemí. ²³ Tohó weégi yeekāhásere āyuró masíka be'ro kīf re misá tiropi o'òo'giti. ²⁴ Kīf re o'òo' si'rimigi, yi'f kē'ra Jesu Cristo marí wiógi o'òo'kā, maatá misá tiropi wa'ágisa'.

²⁵ “Apé tero weégi Timóteo me'ra āpí marí akawerégi Epafroditore o'òo'ro iásato”, nií wākú'. Epafrodito yi'f me'ra tutuaró Jesu Cristo yeere weré tamumi. Misá basi yi'f re wee tamú dutirá kīf re o'òo'kārā niíwi. ²⁶ Kīf misāre pūuro i'yá si'rimi. Kīf do'atise kitire misá masíká ti'ógi, pūuro bihā wetiwī. Tohó weégi kīf re o'òo'giti. ²⁷ Diakí híta nií', pūuro waro wa'āwī. Wērisé pi'to niíwī. Kīf pūuro do'atimiká, Ô'ákí hi kīf re pahá yā'awī. Kīf se'sarore tohó weetiwī. Yi'f kē'rare pahá yā'awī. Epafrodito wēriká maa, yi'f bihā weti yí'ria boopā. Tohó wa'aká iatígi, Ô'ákí hi kīf re yí'riúwī. ²⁸ Misá kīf re i'yārā, e'katiáto taha niígi o'òo'. Misá e'katise kitire ti'ógi, yi'f kē'ra e'katigisa'. ²⁹ E'katise me'ra kīf re yē'ēya. Jesu Cristore ēho peógi marí akawerégi niími. Nií pe'tirá kīf weeró noho niirāre āyuró weeyá. ³⁰ Epafrodito Jesu Cristo yeere da'rá ko'te tihagi, wēria wa'āmiwī. Misá yi'f re wee tamúta basiótisere wee tamú si'rigi, tohó wa'āwī. Tohó weerá kīf re āyuró yē'ēya.

Paulo “A'tiro niisétiro iá” nií'ke nií'

3 Akawerérā, ni'károakāre misá Jesu Cristo yarā nií tīharā, e'katíya. Yi'f too dipóro nií'kere opáturi nií nemoká, yi'f re mehékā nií wee'. Yi'f nií nemoká, āyú nií' misāre. ² Yā'áro weerá re ti'o masíya. Naā Ô'ákí hi yarā niíáto niírá nií pe'tirāre ô'rekíhí yapa kaserore yehé kō'a dutima. ³ Marí pūriká tohó weetímírā, Jesu Cristore ēho peó tīharā, diakí hí Ô'ákí hi dutisere āyuró weerá nií'. A'tiro nií'. Espírito Santo wee tamúse me'ra Ô'ákí hire ēho peó'. Tohó niiká Jesu Cristo marípire nií yuuká, pūuro e'katí'. “Masá weesétise bu'íkāhase me'ra yí'rirásā”, nií wee'. ⁴ Yi'f pūriká “Yi'f weeséti'ke me'ra yí'rigísa’”, nií masi'. Yi'f a'teré nií pe'tirá nemoró nií masi', niígi pe'lea'. ⁵ A'tiro nií' yi'f re. Oito nimiri yi'f bahuáka be'ro yi'f ô'rekíhí yapa kaserore yehé kō'akārā niíwā. Yi'f Israel kurakí hi Benjami yaa kurakí hi nií'. Yi'f hebreu masi nií'. Yi'f paki simiá kē'ra naáta niíwā. Yi'f Moisé dutí'kere ēho peógi nií yuugi, fariseu masi niíwi. ⁶ Yi'f teeré ipíti waro ēho peó yuugi, Jesu Cristore ēho peóri kurakāharāre yā'áro weewí. Moisé dutí'ke maa keoró weewí. Neé ni'kí yi'f re “Keoró weetíwī”, nií masitisami. ⁷ Too dipóropire “Yi'f niiséti'kere yi'f re āyú yí'ria’”, niímiwi. Ni'károakāre “Yi'f Jesu Cristore ēho peógi, nií pe'tise too dipórokāhase wapa marí’”, nií ti'ó yā'a'. ⁸ Apēye maa, yi'f wiógi Jesu Cristore masise wapatí yí'ria'. Apēye noho yi'f kio boó'ke nemoró wapatí'. Jesu Cristore ēho peóse bu'iri nií pe'tise yi'f weeséti'kere, niiséti'kere marí iatísere kō'ārā weeró noho kō'āwī. Jesu Cristo yi'f wiógire kió si'rigi, tohó weewí.

⁹A'tíro iá! Jesu Cristore yi'í me'ra niiká iá! Moisé dutí'kere weesé me'ra Ô'ákí hi yi'í re "Áyugí niími", niísome. Yi'í Jesu Cristore êho peóse me'ra pe'e Ô'ákí hi yi'í re áyuró ì'yásami. Yi'í êho peóse bu'iri yi'í re keoró weeká weemí. ¹⁰Yi'í a'tíro di'akí weé s'í'ri!. Cristore áyuró masí s'í'ri!. Ô'ákí hi kíí tutuaró me'ra yi'í re dika yuú nu'kuká iá!. Kíí tutuasé me'ra Cristore masóki níwí. Cristo kíí paki yeére weégi, pi'etí, kurúsapi wéríki níwí. Yi'í kē'ra Ô'ákí hi yeere ipíti weé s'í'ri!. Jesu Cristo yeere wérígipi, wee tió s'í'ri!. ¹¹Wérí'kārā masa miháarāsama. Yi'í kē'ra naā weeró noho meharóta masa miháa s'í'risa!.

Marí áyuró yi'í s'í'rírā, wākū tutuaro iá' niisé nií'

¹²Yi'í at'é nií pe'tisere "Jesu Cristo weeró noho weé tu'a eha ni'ko pe'o toha!", nígi meheta weé!. Nií pe'tisere keoró weé wee' yuhúpi. Tohó weetímikā, Jesu Cristo yi'í re kíí yagí sāhakā weé tohaki níwí. Tohó weégi kíí weeró noho nií s'í'rigi, tutuaró me'ra kíí yeére weé!. ¹³Akawerérā, "Yi'í nií pe'tisere keoró weé toha!", níí wee!. A'tíro pe'e weé!. Too dipóro yi'í weé'kere wākú wee!. Be'ropí níiátehe pe'ere áyuró weé tu'a eha s'í'rigi, wākú tutua!. ¹⁴Áyuró tu'ā eha ni'ko s'í'ri!. Ô'ákí hi i'mísepi o'óatehere yē'ê s'í'rigi, nií pe'tise kíí yeére tutuaró me'ra weé!. Marí Jesu Cristore êho peórā nií yuukā, maríre katisé pe'titísere o'ógisami. ¹⁵Nií pe'tirā Jesu Cristore áyuró êho peórā yi'í nií'karo nohota wākúró iá!. Misā mehēkā wākúkā, Ô'ákí hi misāre diaki hí wākúkā weegísami. ¹⁶Marí Jesu Cristore êho peó di'pókāti'karo nohota keoró wākú, keoró tu'ā eha ni'koro iá!.

¹⁷Akawerérā, yi'í weesére ì'yā kūu siru tuúya. Āpērāre ísā weeró noho weerāre naā weesé kē'rare ì'yā kūuya. ¹⁸Too dipóropi pehetíri misāre weré tohawi. Utisé me'ra nií nemogíti taha. A'tíro nií!. Pāharā naā yā'āro weeséti me'ra Jesu Cristore ì'yā tu'tirā weeró noho niíma. Naā kíí kurúsapi wérí'kere yabírā weeró noho weemá. ¹⁹Be'ropíre pekā me'epi yapatírāsama. Ô'ákí hire êho peótima. Naā iāri pehase di'akíre êho peóma. Bopóyaro noho o'órā, naā weesé pe'ere "Áyú yi'ria!", nií yi'ri ni'kama. A'ti nukúkākāhase di'akíre wākúma. ²⁰Marí pūrikā i'mísepi wa'arí masa nií!. Toopí mari yaá maka nií!. Marí wiógi Jesu Cristo maríre yi'riógi i'mísepi niími. Kíí a'ti nukúkāpi opāturi a'tiátehere yuú kuerā weé!. ²¹Kíí mari yaá ipi meha ipíre dika yuúgisami. Kíí yaá ipi weeró noho áyú butia'ri ipi weegísami. Kíí nií pe'tisere kíí doka tohakā weegísami. Kíí tohó wee masíro nohota meharóta kíí tutuaró me'ra marí kē'rare dika yuúgisami.

Jesu Cristo me'ra e'katí nu'ku dutise nií'

4 Jesu Cristo maríre kíí yaá ipi áyú butia'ri ipire weeró noho weegísami. Tohó weerā akawerérā yi'í ma'irā, Jesu Cristore neé êho peó du'utikā'ya. Misāre pūúro ma'í!. Pūúro ì'yā s'í'ri!. Misā yi'í re e'katíkā weé!. Misā keoró weesé me'ra yi'í bu'ê'kere ì'yó!.

²Apéye maa, misā numia Evódia, Síntique, marí wiógire êho peó yuurā, a'méri misā basi pe'sútitikā'ya. Ni'karo noho wākúya. ³Sícigo, mí'í yi'í me'ra weré tamugi nií!. Naā numiare ni'karo noho wākúkā weeyá. Ô'ákí hi masaré yi'riómi niisé kitire wereká, naā numia yi'í re weré tamuwā. Naā me'ra Clemente kē'ra níwí. Tohó niiká āpērā naā me'ra yi'í re weré tamuwā. Naā Ô'ákí hi yaa pūri katí nu'kuse niírí pūripi ohā o'o no'okārā nií tohasama.

⁴Misâ Jesu Cristo yarã niî tîharã, kîî me'ra e'katí nu'kukã'ya. Opâturi niî nemogiti. E'katí du'utikã'ya. ⁵Misâ âpêrãre pahã yã'asere niî pe'tirã masiãto. Marí wiôgi a'tiãtoho kã'roãkã dî'sã'.

⁶No'ó de'ró wa'asére wãkû ke'titikã'ya. A'tîro pe'e weeyã. Niî pe'tise misãre no'ó wa'asére Ô'ãkî hire sêriyã. Kîî re sêrírã, “Áyú” niíya. ⁷Misã tohõ weekã, Ô'ãkî hi misãre áyuró ehêri põ'ratikã weegísami. Kîî tohõ weesé áyú butia'se niî'. Masã naã tí'ó põo têótise niî'. Misã Jesu Cristo yarã niî yuukã, misãre áyuró ehêri põ'ratikã weegísami. Tohõ niikã misã wãkusêpire áyuró tí'ó yã'a nu'kukã weegísami.

Áyusé di'akî re wãkû niri dutise niî'

⁸Akawerérã, yîî a'tîro ohã tiogiti. Niî pe'tise diakî hí niisére wãkûya. Niî pe'tise a'tetã wio pesã' niisére wãkûya. Keoróta niî tí'sa' niisére wãkûya. Áyusé warore wãkûya. Áyusé tí'sasére wãkûya. Masã áyuró uúkû no'osere wãkûya. Niî pe'tise áyusére, e'katí peose nohore wãkûya.

⁹Yîî misãre bu'êgi uúkûkã tí'ó'kere “A'tîro weeró iã!” niî'kere weeyã. Yîî de'ró weekã í'yã'kere weeyã. Tohõ weekã, Ô'ãkî hi áyuró ehêri põ'ratikã weegí misã me'ra niigísami.

Filipokãharã Paulore niyéru wee tamú'ke niî'

¹⁰Misã yîî re opâturi wee tamúsere í'yãgi, yîî marí wiôgi me'ra pûuro e'katí'. “Misã yîî re wãkûtiwi”, niígi meheta weé'. Misãre yîî re wee tamúta basiótiwi. ¹¹“Apêye noho yîî re dî'sã'”, niígi meheta weé'. No'ó yîî kiosé me'ra e'katí masi'. ¹²Yîî pahasé kiogi niígi e'katise me'ra niî masi'. Pehe kiógi kê'ra e'katí masi'. Yîî re no'ó de'ró wa'akã, e'katise me'ra niî masi'. Yîî yapígi, yapítigi kê'ra, e'katí masi'. Pehé kió yî'ri mahagi, e'katí masi'. Moógi kê'ra, e'katí masi'. ¹³Jesu Cristo yîî re tutuasé o'ogí me'ra niî pe'tisere ni'ka masi'. ¹⁴Tohõ niímikã, yîî pí'etúri kura yîî re wee tamúrã, áyuró weewí.

¹⁵Misã Filipokãharã a'tîro masi'. Yîî Macedônia di'ta misã tiropi niíwi. Toopí niígi, misãre Jesu Cristo yeere werê ni'kawí. Be'ró apé sia'pi wihã wã'kawí. Filipopí nií'ki wihãakã, misã di'akî yîî re wee tamúrã niyéru o'ôwi. Jesu Cristo yee kitire tí'ó'ke wapa e'katírã, tohõ weewí. ¹⁶Yîî Macedóniapi nií'ki wihãtoho díporo Tessalónicapi niikã, misã pehetúri yîî re niyéru o'ôwi. ¹⁷Yîî misãre apêye noho o'ôro di'akî iãgi meheta weé'. A'tîro iã'. Ô'ãkî hi í'yóropire âpêrãre apêye noho o'ô'ke me'ra misã nemoró kiokã iã'. Misã o'okã, Ô'ãkî hi misãre áyuró weegísami. ¹⁸Niî pe'tise Epafrodito me'ra misã o'ô'kere yê'ê tohawi. Teeré yê'êgi, yîî iasé nemoró kió'. Misã o'ô'ke Ô'ãkî hire o'osé weeró noho niî'. Kîî tohõ weesére tí'sãmi. ¹⁹Ô'ãkî hi yîî wiôgi niî pe'tise misãre dî'sasé nohore o'ôgisami. Kîî Jesu Cristo me'ra pehe waró áyú butia'se kió yî'ri ni'kami. Kîî kiosé nohore misãre o'ôgisami. ²⁰Marí pakí Ô'ãkî hire e'katí peo nu'kurã. Tohõta weerã.

Paulo áyu dutí tio'ke niî'

²¹Niî pe'tirã Jesu Cristore êho peorã áyuáto. Marí akawerérã yîî me'ra niirã misãre áyu dutíma. ²²Niî pe'tirã a'tokãharã Jesu Cristo yarã romano masa wiôgi yã wi'ipi niirã kê'ra áyu dutíma.

²³Marí wiôgi Jesu Cristo misãre áyuró weeáto. Toô kã'rota ohã'. Paulo.